

序一

先賢嘗謂欲爲瘍科名家。須多讀內科方書。外科之難。治在內傷陰證。然亦不外表裏陰陽寒熱虛實八字。能明則生死難易。胸中自可了然。人身營衛環周不息。一有壅逆。卽腫硬作痛。而生外瘍。外瘍有五善七惡。以定吉凶。無非在陰陽兩字推求。所謂五善不宜少。三七惡不宜有二。陽多則吉。陰盛則凶。若善惡兼見。可死可生。是在善治者得治則生。失治則死。專家實驗。何可不重。謙益齋醫案。爲前清嘉慶間高錫庭先生遺著。哲嗣上池君手輯。辨症詳明。爲先生畢生之經驗。後裔鈔錄。視同珍祕。近爲鄧季芳君高足。楊子道南所得。擬謀付梓。公諸於世。意甚厚也。屢讀無錫縣志藝術類。先賢遺著。按其書目僅存。而傳世者其尠。良由書不再版。則久且失傳。欲保國粹。則宜將先賢遺著校刊流行。前得上池君醫學課兒策。王旭高先生加註。已爲越中裘吉生君刊入三三醫書二集四種。而錫庭先生大著瘍科心得集。書肆互相印行。風行全國。立功德言。先生精神固永久常在。所望刊是書者。校其異同。辨其舛誤。俾世之讀先生書者。由默識以至領悟。蔚成名家。是則先生手著壽世之深意也夫。

中華民國十九年六月 周鎮小農謹敘於梁溪惜分陰軒

序二

吾邑高錦庭先生。前清嘉慶時名醫也。爲范聖學杜雲門高弟。由儒而醫。精內外科。於靈素張劉朱李諸書。靡不參究。故其治病。效如桴鼓。名重一時。憫病瘍症者。呻吟痛苦較甚於內症。著有瘍科心得集。而於陽症陰症半陰半陽症。條分縷析。指示後學。久已梓行於世。業外科者。案置一編。奉爲圭臬。謙益齋醫案。亦屬先生遺著。所嗣上池君手錄。後裔鈔錄。流傳甚尠。今觀楊子道南校勘先生醫案一編。如獲拱壁。急從惠付刊。以廣流傳。若後學者悉心觀摩。於臨診時。苟能觸類引伸。比擬而反隅之。則得心應手。有起死回生之妙。是案之出。亦謂之活人書也可。

中華民國十九年夏月 康甫嚴恩錫謹叙於無錫中賓講習所

序三

錫山高錦庭先生。清嘉慶時人也。積學攻醫。精內外兩科。臨證卅餘年。出所經驗。以饗後學。著有瘍科心得集一書。以行世。其案頭課錄。散見於門弟子者。又有謙益齋外科醫案一書。惜書不流傳。爲世罕存。道南弱冠。受業於錫邑鄧師季芳之門。師固以內外科名家。其治外科。亦本內科以佐治。故病無論氣血陰陽。表裏虛實。莫不洞見癥結。應手而愈。道南親炙鄧師久。迹其經驗各方。證之高氏瘍科心得集。若合符契。方知鄧師與兄莘伯先生。兄弟競爽。爲我醫界導師。其來有自。道南寡聞鮮見。就鄧師門。於瘍科心得集一書。亦既耳熟能詳。而於謙益齋醫案。則未之見。歲內夏。道南稟師承出。以問世。是年病外甚衆。類多變症。益復心儀。夫高氏是書。偶檢故篋。於藏書中得殘編一卷。卷首標目。剝蝕莫名。頁復零雜散亂。無條理可辨。方擬收拾殘紙。以整篋。待經披閱。疊所列方案。均精義入神。出自高氏手筆。并有上池君手輯。及爲之附注。於以知是書其爲道南平時所心儀而欲見之。謙益齋醫案無疑。於是散者聚之。紊者理之。文義因蠹蝕而有脫簡者。參已意以調貫之。分門別類。校勘數過。爲之裝訂成冊。今特付中醫書局刊行。以公同好。并敘是書刊行原委于卷端。俾後之習醫者。知先生立言之精。

謙益齋外科醫案 序三

神亘古常在。道南不加珍惜。負疚於前。庶或蓋愆於後云。

中華民國十九年五月 後學江陰楊道南拜撰

謙益齋外科醫案目錄

首部	腦疽	對口	玉枕疽	大頭疽	天疽	銳毒
耳部	耳癰	耳菌	耳後毒			
目部	眼胞菌毒	眼胞痰核	眼漏			
鼻部	鼻淵	鼻痔	鼻蛆			
齒部	牙疳	牙岩	牙菌	牙癰	牙漏	牙宣
口舌部	口瘡	口疳	舌疳	舌岩	舌菌	舌疔
	舌蛆	搔舌懸癰				
咽喉部	喉蛾	喉癰	喉痺	喉癰	喉疳	喉菌
	喉風	爛喉丹痧	疫癘喉痧			
項部	風熱痰	驚痰	托腮	牙齦	骨槽	發頤
	失榮馬刀	瘰癧	癭瘤			
臂手部	臂癰	鼓搥風	脫骨疽	手發背		

7709 7900

胸脅部

胸痰

井疽

捧心癰

脂痰

脅痰

夾癰

乳部

乳癰

乳痰

乳癰

乳岩

乳頭風

背部

背疽

百烏毒

搭疽

腰部

腎俞痰

腹部

少腹癰

內部

肺癰

外肺癰

肺痿

胃脘癰

肝癰

腸癰

前陰部

下疳

腎岩潮花

囊癰

後陰部

肛癰

肛漏

痔瘡

腎癰

懸癰

股腿脛足部

腿癰

附骨疽

鶴膝風

膝蓋癰

疔疽

委中毒

脫疽

穿拐痰

發無定處 流注

流痰

梅毒

疔毒

痘毒

諸痛

癱節風

肩脾痛

痢風

雜部

附瘍科日用丸散膏丹論略

謙益齋外科醫案上編

錫山高錦庭著

男上池輯

後學江陰楊道南校訂

首部

▲腦疽

顧

腦疽幾及三候。根盤板滯。膿水清稀。神識時糊。脉虛細數。此正氣虛不化毒。毒氣反陷於裏。姑擬扶正托毒。望其轉機爲幸。

生黃芪

洋參

當歸

赤芍

連翹

銀花

丹皮

菖蒲

二診

腦疽最怕三陷變局。謂火陷。虛陷。乾陷也。茲瘍經三候。忽面赤喘促。肢冷汗出。全屬少陰失藏。眞陽外越。勢有孤城失守之慮。王先生同議回陽救逆。希圖幸於萬一。

人參

川熟附

乾姜

北五味

白芍

茯神

當歸

炙草

按用溫藥以救脫。含痢治人急則治其本也。

注

腦疽堅腫不退。根板不化。火毒內壅。先洩營熱。參以散解。

羚羊角

羌活

角針

決明

山梔

丹皮

銀花

蘆根

二診

左脈弦數。右稍平。頭痛偏左。肝陽上冒。腦疽尙未透膿。大便旬日不通。急宜行府泄熱。

前方去

羌活

角針

加瓜蒌仁

黃芩

枳壳

三診

通府洩熱。便行膿大洩。夜不安寐。氣血已衰。宜扶正托裏。

洋參

黃芪

當歸

茯神

棗仁

丹皮

砂仁

穀芽

四診

腐雖漸脫。新肉淡白。此氣血兩衰之故。宜扶正法。

歸脾湯

去朮木香

加參條

范

偏右腦疽已經兩候。膿洩而痛不減。腫勢蔓延。毒鬱不化之兆。慮其毒陷神昏。且以宣化解結法。

豆卷

牛蒡子

杏仁

連翹

製蠶

角刺

菊葉

桑葉

竹葉

胡

腦疽蔓腫無情。身熱脈弦數。焮紅不透。面色慘淡。此火鬱於中。兼挾伏暑。當與發之。

柴胡

豆卷

川芎

製蠶

首烏

甲片

大貝

花粉

夏枯草

鄭

氣虛頂陷。血虛根散。瘡頭流血。純乎氣不收攝也。况神識模糊。轉動不能自由。此七惡中之最忌者。瘍症論云。氣血虛者。首尾必須補托。目下邪已內陷。補法已晚。奈何。

珠黃散

人參錢半煎湯送服

楊

悲哀惱怒則傷肝。肝陰傷則虛陽上亢。燦及三陽。從三陽總會之所而瘍生焉。症名腦疽。迄今

兩候有餘。膿水已見而不多。火勢極盛。腐肉未化。堅腫未消。診脈右部細小。左部弦洪。大便堅結。小便頻數。顯係氣虛下陷之體。肝陽上旺之病。夫氣虛宜補。肝陽宜鎮。鎮肝抑火。固外瘍所必然。而補托化膿。亦高年所宜。所慮者。陰分不充。氣將日陷。肝陽無制。膿水腐肉。無朝生暮長之氣。血以滋生。嗣將漸陷於陷。機擬方呈政。

羚羊角

決明

綿芪

細生地

川貝

丹皮

茯苓

半夏

製蠶

橘紅

竹茹

二診

議扶正潛陽。氣血並顧。與徐先生同定。

參鬚

當歸

決明

細生地

茯苓

半夏

黃芪

粳米

三診

昨投補托。參入鎮肝。小洩之數大減。不可謂非佳兆。從此陷者可升。氣漸蒸騰而上。可爲生肌去腐之助。所以昨晚定方。竟從十全大補參商。乃藥未服。而胸脘似乎痞悶。自云平素之肝氣。

因交芒種而發。夫肝氣者。肝火衝擊胃脘之痰也。痰飲宜化。氣虛宜補。既用補托。不得不先化痰飲。因思舌苔白膩。胸悶嘔噦。前人每用溫胆一法。此症既屬高年氣虛。古人補法之中。未始無兼行之者。則十味溫胆之謂也。仿其意以立方。補不嫌滯。化不嫌燥。參酌至當。庶幾內藏安而外瘍有益。

昨方加

麩炒枳殼

香附

鬱金

薏仁

姜竹茹

四診

從十味溫胆立方。並無脹滿悶滯等患。且能安寐兩時。受補可知。惟左脈弦洪不減。酉戌之交。煩燥不安。心火大旺。膿水較多。終未能暢。根盤稍和。究未能化。仍恐火勢太甚。乘氣虛而內陷。宜清心化熱之品。與補托藥相輔成功。

真珠粉三厘

西黃

血珀各八厘

燈芯五厘

心煩時藕汁調服

五診

日中至黃昏。爲陽中之陰。此時痛勢最甚。必有陰火上乘。邪火因而愈熾。昨用補托。膿水甚多。想正氣得扶。毒能化腐。今晨診脈。左部略平。惟髮際之墜腫火色未退。而脾胃仍不思飲食。當

從昨方。運以調胃之品。鎮火之法。備正。

鹽水拌參鬚

於朮

決明

細生地

川貝

枳壳

姜汁炒竹茹

另水炙黃芪一兩

夏枯草一兩

煎湯代水

六診

膿水淋漓。毒從外洩也。小溲能暢。火從下降也。所以面赤火升得平。痛勢亦減。右脈之洪數。亦較平於前日。種種佳兆。皆由升降職其司。升降之職其司。未始非補托之助。氣盛則上下咸宜也。然則前日之方。宜增不宜減。

參條

細生地

川貝

決明

鮮斛

麥冬

銀花

歸身

赤芍

陳皮

另炙黃芪一兩

夏枯草五錢

藕一兩

煎湯代水

七診

夫外瘍以候數言者。取七日來復之義。此其大略也。而人之氣血強弱不同。少長各異。有未至而至。卽有至而不至。仲景先師。分明言之矣。此症昨交三候。方見膿水大暢。瘡口開放。痛勢大減。意者高年氣血生長稍緩。藉補托以相助。而後霞蔚雲蒸。火毒外潰乎。今診脈兩部大得和。

緩之意。所謂胃氣也。飲食不須苦勸。胃和可知。所嫌陰中之陰之候。脈左關加弦。痛勢加增。煩燥亦甚。不無陰火內動。此時定方補氣養營之外。不能不兼顧陰中之火。

參條

當歸

白芍

中生地

丹皮

牡蠣

川貝

鮮斛

陳皮

另黃芪藕夏枯草各一兩

煎湯代水

八診

補氣顧陰爲劑。昨日朝至暮。神氣清朗。胃氣亦開。脈情亦和。何樂如之。據述丑寅之交。自覺不適。似夢非夢。語言錯誤。此心營內虛。相火外乘之故。夫調埋高年重虛之體。因時制宜者。又當因時服藥。鄙意欲陽分服補氣之方。一交陰分。加養陰之品。質之同道先生。以爲然否。

參條

白朮

中生地

川貝

杏仁

麥冬

歸身

陳皮

辰砂拌茯神

川連汁炒棗仁

芪藕煎湯辰初服一盞其第次加

赤芍

夏枯草

牡蠣

丹皮

金箔三張

燕窩三錢

煎一小盞送

珠粉一分 酉正服

九診

統觀脈證。症之發於外者。痛止火退膿多。但腐未脫耳。其在內者。舌苔灰濁。胃氣不開。據述昨日不時煩悶。且云腹痛。乾嘔而噎。自覺有時模糊。種種見證。由藏腑不和。濕熱乘虛而入。夫病後宜補。一定之理。而補法亦有因時制宜之道。古人六府以通爲補。猶五藏之以填爲補也。况時令濕氣鬱蒸。軀體尤見其累。擬暫去參芪。從胃府立法。俾胃和再商圖本。

豆卷

石斛

橘紅

枳壳

妙川貝

赤苓

苡仁

炒竹茹

另參鬚煎湯送服珠粉一分

十診

從胃府立法。煩悶等症頓除。自覺脘中空爽。口味大和。藥能應手。何其速也。今晨診脈。左三部較和於昨。右關亦旺。蓋久病宜調脾胃。胃和則夜能安寐。升降自調。轉運得所。生長之機自復。惟每日下午精神較怯。睡覺每是精神恍惚。神氣不安。長至在邇。陰氣大剝之候。而體中真陰大傷者。未免因時而動。動之太過。則有乘揚之虞。不能不過慮及之。而目前所宜。仍當從胃立法。而從柔潤。未始不顧及陰分也。用薛氏鹽降加味。

百合

川貝

海參

蛤壳

辰茯神

苡仁

橘葉紅

梗米

荔枝

海螵

藕節

荷葉

另卯刻服

參一錢 酉正服

珠粉一分

十一診

右關一部和緩有神。不特飲食知味。而夢寐亦安。快何如之。至左脈之弦。亦和於昨。此波平浪靜之時。正休養生息之日。慎勞動。節飲食。培植脾胃。以扶初生之陰。其在斯時乎。

蒸於朮

茯苓

川貝

麥冬

橘紅

黃芪

五味

參條一錢煎送

另燕窩湯

送珠粉一分

晚服

十二診

腐肉能脫。營衛和矣。眠食能安。藏腑和矣。目前之病。謂之已愈。無乎不可。何以昨日未申之交。氣之升降失調。腕悶自汗。不能偃臥。脈亦不調。如是數刻而復。自云素有之肝氣。逢節而發。將交長至。似乎近之。而其實非也。夫舌苔濁厚。而帶灰色。胃中濕濁。分明外見。有證有據。以有濕之胃。而當濕令大行之年。高年氣弱。不能運行食物。午後陽中之陰之候。氣爲陽劫。

益見陰弱。宜其濕濁當權。反劫正氣。此卽世俗所謂痧脹也。雖屬素有之病。而不能得謂之非病。從此立方。似乎見症治症之道。

蒼梗

醋半夏

赤苓

豆卷

炙烏梅

蘇梗

橘紅

枳殼

白蔻仁

荷葉

粳米

參鬚一錢過藥

十三診

用補從濕熱一邊着手。隨補隨通。濕去而正自復。此東垣先生所以高於諸名家也。而於秋夏爲又宜。昨日立方。從此着想。竟能安適。夫病者自云安適。則真安適矣。今旣脈靜神怡。陰生之節。已在目前。補氣調胃。和平其制。此際立方。正無事求奇也。

川貝

橘紅

苡仁

茯苓

荷葉

粳米

海蜇

藟薈

穀芽

另煎參條二錢朝暮空心服

十四診

古人長至之日。有定心氣之文。又謂靜以待安。陰之成。此無他。動則耗陰。靜則生陰也。養病之道。何獨不然。寡言語以養氣陰。慎思慮以養心陰。從此日積月充。卽前日視多怪。夢寐多

勞等症。亦可因陰壯而安。所謂陰能欲陽也。用藥亦不外乎此。

鹽水炒棗仁

辰麥冬

川貝

橘紅

荷葉

粳米

鹽水炒玉竹

枇杷葉

磨冲獼肝一分

另煎參條二錢不時服

十五診

脾宜升則健。胃宜降則和。便溏數次。脾氣不升也。宜其神情稍倦。左脈帶弦。右部略戛。腹中隱痛。必有冷稍留於腸胃之間。幸納食尚多。胃氣尚和。高年當大節之後。亦不宜多降。擬錢氏參苓白朮散加味。

茯苓

於朮

扁豆

陳皮

淮山藥

炒神龜

炮姜

苒仁

炒仁

蓮心

大棗

另參條一錢煎湯過藥

十六診

諸氣臃鬱。皆屬於肺。諸腹脹滿。皆屬於脾。內經文也。太太從前臃鬱之病已安。昨日腹中脹痛。豈非脾病乎。夫便溏必兼腹痛。雖屬脾虛。必有積滯。昨從錢氏法。加入溫消之品。腹痛已和。便溏亦止。胃氣亦調。今晨之脈象。右亦有神。目前論治。仍須從脾胃着手。昨錢氏法。去其